



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-600-4/22**
Datum: **25.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «NASKO» d.o.o. Gračanica za donošenje Rješenja o vodnoj dozvoli za ispuštanje oborinskih onečišćenih otpadnih voda u prirodni recipijent sa lokacije objekta benzinske pumpe sa pratećim sadržajima izgrađenog u naselju Donja Orahovica, grad Gračanica, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «NASKO» d.o.o. Gračanica daje se vodna dozvola za ispuštanje oborinskih onečišćenih otpadnih voda u prirodni recipijent sa lokacije objekta benzinske pumpe sa pratećim sadržajima izgrađenog u naselju Donja Orahovica na zemljištu označenom kao k.č. broj: 3511/1 K.O. Orahovica Donja, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u mjesnu kanalizaciju a potom u Rašljevsku rijeku.
 - 2.3. Prečišćene oborinske vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje oborinskih onečišćenih otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.5. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
 - 2.6. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.7. Skladištenje nafte i naftnih derivata vršiti u podzemnom čeličnom rezervoaru zapremine 80m³.
 - 2.8. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).

- 2.12. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu predmetne benzinske pumpe obuhvaćene ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «NASKO» d.o.o. Gračanica, dana 01.11.2022. godine, podnijelo je ovoj Agenciji zahtjev za izdavanje vodne dozvole za ispuštanje oborinskih onečišćenih otpadnih voda sa lokacije objekta benzinske pumpe sa pratećim sadržajima izgrađenog u naselju Donja Orahovica na zemljištu označenom kao k.č. 3511/1 K.O. Orahovica Donja, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 031-0-Reg-21-001000 izdatog dana 28.07.2021. godine od strane Općinskog suda u Tuzli,
- Ovjerena kopija Uvjerenja o poreznoj registraciji (PJ Benzinska pumpa br.1 Donja Orahovica) od izdatog dana 12.08.2015. godine od strane Porezne uprave FBiH-Kantonalni porezni ured Tuzla,
- Kopija Obavještenja o razvrstavanju dijelova pravnog lica prema klasifikaciji djelatnosti broj: 07-32.5-37748/17 izdatog dana 16.02.2017. godine od Službe za statistiku za područje Tuzlanskog kantona,
- Kopija Rješenja o odobrenju za upotrebu broj: 07-361-48/97 izdatog dana 09.04.1997. godine od strane Sekretarijata za prostorno uređenje i stambeno-komunalne poslove Opština Gračanica,
- Kopija Rješenja o vodnoj dozvoli broj: 04/1-13-25-19100/17 izdatog dana 16.08.2017. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-324-4/21 izdatog dana 15.09.2021. godine od strane «Agencije za vodno područje rijeke Save» Sarajevo,
- Kopija Ugovora broj: 591-01/21 o čišćenju separatora i zbrinjavanju opasnog otpada od zaključenog dana 28.06.2021. godine sa «KEMEKO-BH» d.o.o. Lukavac,
- Kopija Godišnjeg izvještaja - monitoring i ispitivanje količine i kakvoće otpadne vode za objekat benzinska crpka «NASKO» d.o.o. Orahovica, Gračanica broj: GI-OV-02-90-05-08/22, april 2022. godine urađenog od strane «HERKON» d.o.o. Mostar,

- Projekat izvedenog stanja hidroinstalacija za izgrađenu benzinsku pumpu u naselju Orahovica Donja, općina Gračanica, juli 2017. godine, urađen od «DIWANX» d.o.o. Sarajevo (na uvid),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta dana 10.01.2023. godine i tom prilikom je sačinjen Zapisnik o uviđaju broj: UP-1/21-3-40-600-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat benzinske pumpe izgrađen je u naselju Donja Orahovica, grad Gračanica uz magistralnu saobraćajnicu Tuzla-Doboj. Objekat se sastoji od uslužno-prodajnog dijela, nadstrešnice sa automatima za istakanje goriva, podzemnog rezervoara za skladištenje goriva zapremine 80m³, radno-manipulativnih površina te separatora masti i ulja.

Od strane Agencije ranije za predmetni objekat izdato je Rješenje o vodnoj dozvoli broj: UP-I/25-3-40-324-4/21 od 15.09.2021. godine sa određenim uslovima. Uslov definisan tačkom 2.3. Rješenja nije u potpunosti ispunjen – ugrađen je novi tipski separator ulja i masti a u toku su završeni radovi na ugradnji linijskih slivnih rešetki za prikupljanje onečišćenih voda sa saobraćajnih i radno manipulativnih površina. Nakon potpune realizacije radova predviđenih projektnom dokumentacijom, zauzete oborinske vode sa radnih, saobraćajnih i manipulativnih površina će se sistemom uličnih linijskih slivnika i kanalizacione mreže prikupljati i odvesti na tretman u tipski separator ulja i masti. Preliv iz separatora je, preko okna za monitoring, u mjesnu kanalizaciju a potom u Rašljevsku rijeku. Sa firmom «KEMEKO-BH» d.o.o. Lukavac potpisan ugovor o čišćenju separatora i zbrinjavanje opasnog otpada.

Snabdijevanje vodom predmetnog objekta je obezbijeđeno sa mjesnog vodovoda MZ Donja Orahovica. Prikupljene sanitarno-fekalne otpadne vode se ispuštaju u mjesni kanalizacioni sistem. Za zahvat vode i ispuštanje sanitarno-fekalnih otpadnih voda je od strane Ministarstva poljoprivrede, šumarstva i vodoprivrede Tuzlanskog kantona izdata vodna dozvola.

Monitoring otpadnih voda se vrši redovno. Na uvid je dostavljen Godišnji izvještaj o ispitivanju kvaliteta (monitoring) otpadnih voda benzinske pumpe «NASKO» d.o.o. Gračanica, april 2022. godine, urađen od strane «HERKON» d.o.o. Mostar. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva «NASKO» d.o.o. Gračanica ispunio minimum uslova za izdavanje vodne dozvole za ispuštanje oborinskih onečišćenih otpadnih voda u prirodni recipijent sa lokacije objekta benzinske pumpe izgrađenog u naselju Donja Orahovica, grad Gračanica te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-600-2/22 od 15.11.2022.godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju:
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «NASKO» d.o.o. Gračanica
Karići bb, 75323 Donja Orahovica, Gračanica
- AVP Sava, ISV-vodna knjiga
- Sektor 50
- ☒ Sektor 40 – arhiva
- oglasna ploča – AVP Sava